

Broj: OP-03.4-11-1682/26

Datum: 07.07.2026. godine

Na osnovu člana 70. Zakona o javnim nabavkama BiH (Sl.glasnik BiH broj 39/14 i 59/22), i Zapisnika o pregledu i ocjeni ponuda broj OP-03.4-11-1559/26 od 07.07.2026. godine, direktor Javnog preduzeća "RAD" d.d. Tešanj, dana 07.07.2026. godine, d o n o s i

## **O D L U K U**

### **O IZBORU NAJPOVOLJNIJEG PONUĐAČA**

#### **I**

Najpovoljniji ponuđač za nabavku usluga osiguranja motornih vozila je: „Sarajevo osiguranje” d.d. Sarajevo, Maršala Tita 29, Sarajevo.

Vrijednost ugovora – polica osiguranja koji će se zaključiti sa najpovoljnijim ponuđačem iznosi 14.096,50 KM.

#### **II**

Na Konkurentski zahtjev za dostavljanje ponuda za nabavku usluga osiguranja motornih vozila od autoodgovornosti i kasko, objavljenom na Portalu javnih nabavki broj 807-7-2-63/26 od 11.06.2026. godine u 12<sup>29</sup> sati, i u Službenom Glasniku broj 42/26 od 19.06.2026. godine, ponude su dostavili sljedeći ponuđači:

1. „Sarajevo osiguranje” d.d. Sarajevo, Maršala Tita 29, Sarajevo;
2. „Triglav osiguranje” d.d. Podružnica Zenica, Zmaja od Bosne br. 27, 72000 Zenica;
3. „Euroherc osiguranje” d.d. Sarajevo, Podružnica Travnik, Stanična 3, 72270, Travnik.

**1. Ponuđač „Sarajevo osiguranje” d.d. Sarajevo, Maršala Tita 29, Sarajevo u svojoj ponudi dostavio je sljedeću dokumentaciju i podatke:**

- ukupna cijena ponude iznosi 14.096,50 KM i dostavljena je na popunjenim obrascima za ponudu i cijenu ponude;
- popunjenu izjavu da ispunjava uslove iz člana 45. Zakona o javnim nabavkama;
- popunjenu izjavu da ispunjava uslove iz člana 52. Zakona o javnim nabavkama;
- aktuelni izvod iz sudskog registra;
- popunjenu izjavu o roku izvršenja usluge od 24 sata;
- popunjenu izjavu da prihvata uslove garancije za uredno izvršenje ugovora u skladu sa tačkom 7 TD i da će ugovornom organu predati bjanko mjenicu sa mjeničnom izjavom u roku od 10 (deset) dana po prijemu odluke o izboru najpovoljnijeg ponuđača;
- izjavu o roku plaćanja za usluge kasko osiguranja;
- kompletnu kvalifikacionu dokumentaciju kojom potvrđuju ispunjenost uslova iz člana 45 ZJN BiH;
- ostala dokumentacija u prilogu;

Ponuda je uredno uvezana i numerisana.

**2. Ponuđač „Triglav osiguranje” d.d. Podružnica Zenica, Zmaja od Bosne br. 27, 72000 Zenica; u svojoj ponudi dostavio je sljedeću dokumentaciju i podatke:**

- ukupna cijena ponude iznosi 15.022,00 KM i dostavljena je na popunjenim obrascima za ponudu i cijenu ponude;
- popunjenu izjavu da ispunjava uslove iz člana 45. Zakona o javnim nabavkama;

- popunjenu izjavu da ispunjava uslove iz člana 52. Zakona o javnim nabavkama;
- aktuelni izvod iz sudskog registra;
- popunjenu izjavu o roku izvršenja usluge od 24 sata;
- popunjenu izjavu da prihvata uslove garancije za uredno izvršenje ugovora u skladu sa tačkom 7 TD i da će ugovornom organu predati bjanko mjenicu sa mjeničnom izjavom u roku od 10 (deset) dana po prijemu odluke o izboru najpovoljnijeg ponuđača;
- izjavu o roku plaćanja za usluge kasko osiguranja;
- ostala dokumentacija u prilogu;

Ponuda je uredno uvezana i numerisana.

**3. Ponuđač "Euroherc osiguranje" d.d. Sarajevo, Podružnica Travnik, Stanična 3, 72270, Travnik u svojoj ponudi dostavio je sljedeću dokumentaciju i podatke:**

- ukupna cijena ponude iznosi 18.210,45 KM i dostavljena je na popunjenim obrascima za ponudu i cijenu ponude;
- popunjenu izjavu da ispunjava uslove iz člana 45. Zakona o javnim nabavkama;
- popunjenu izjavu da ispunjava uslove iz člana 52. Zakona o javnim nabavkama;
- aktuelni izvod iz sudskog registra;
- popunjenu izjavu o roku izvršenja usluge od 24 sata;
- popunjenu izjavu da prihvata uslove garancije za uredno izvršenje ugovora u skladu sa tačkom 7 TD i da će ugovornom organu predati bjanko mjenicu sa mjeničnom izjavom u roku od 10 (deset) dana po prijemu odluke o izboru najpovoljnijeg ponuđača;
- izjavu o roku plaćanja za usluge kasko osiguranja;
- kompletnu kvalifikacionu dokumentaciju kojom potvrđuju ispunjenost uslova iz člana 45 ZJN BiH;
- ostala dokumentacija u prilogu;

Ponuda je uredno uvezana i numerisana.

### III

Ponuđači su kvalifikovani jer su priložili – dostavili svu zahtijevanu kvalifikacionu dokumentaciju.

Prilikom pregleda i ocjene ponuda komisija je konstatovala da u ponudama za obavezno osiguranje vlasnika, odnosno korisnika motornog vozila od odgovornosti za štete pričinjene trećim licima kod ponuđača „Triglav osiguranje“ d.d. Podružnica Zenica i „Euroherc osiguranje“ d.d. Sarajevo, Podružnica Travnik sve cijene osiguranja nisu u skladu sa Odlukom o načinu utvrđivanja tarife premije i cjenovnika za osiguranje vlasnika vozila od odgovornosti za štetu prouzrokovanu trećim licima koju je donijela Agencija za nadzor osiguranja Federacije Bosne i Hercegovine.

Dana 23.06.2026. godine komisija za javne nabavke je ponuđačima uputila zahtjeve za dostavu prethodnog odobrenje Agencije za nadzor osiguranja Federacije Bosne i Hercegovine za cijene navedene u njihovoj ponudi.

U zahtjevu upućenom ponuđaču „Triglav osiguranje“ d.d. Podružnica Zenica traženo je prethodno odobrenje Agencije za nadzor osiguranja FBiH ponuđene premije osiguranja obaveznog osiguranja motornog vozila od autoodgovornosti, za stavku specifikacije pod rednim brojem 2 (dva) za koje je navedena premija osiguranja u iznosu od 86,00 KM umjesto 35,00 KM propisanih Odlukom o načinu utvrđivanja tarifa premije i cjenovnika za osiguranje vlasnika vozila od odgovornosti za štetu prouzrokovanu trećim licima, koju je donijela Agencija za nadzor osiguranja FBiH. Ponuđač je pozvan da u što kraćem roku, a najkasnije do 26.06.2026. godine dostavi prethodno odobrenje Agencija za nadzor osiguranja Federacije Bosne i Hercegovine za cijene navedene u ponudi.

Dana 24.06.2026. godine ponuđač „Triglav osiguranje“ d.d. Podružnica Zenica je dostavio odgovor na zahtjev u kojem je naveo da je pogrešno primjenio premijsku tarifu, na način da je umjesto predviđene tarife 04 01 P1 u iznosu od 35,00 KM primjenio tarifu 04 05 P1 sa premijom od 86,00 KM.

U zahtjevu upućenom ponuđaču „Euroherc osiguranje“ d.d. Sarajevo, Podružnica Travnik navedeno je da je za sve stavke specifikacije osim stavke 3 (tri) ponuđena za 0,02 KM veća cijena osiguranja od cijena propisanih Odlukom o načinu utvrđivanja tarifa premije i cjenovnika za osiguranje vlasnika vozila od

odgovornosti za štetu prouzrokovanu trećim licima, koju je donijela Agencija za nadzor osiguranja FBiH, te je ponuđač pozvan da u što kraćem roku, a najkasnije do 26.06.2026. godine dostavi prethodno odobrenje Agencija za nadzor osiguranja Federacije Bosne i Hercegovine za cijene navedene u ponudi.

Dana 25.06.2026. godine ponuđač „Euroherc osiguranje” d.d. Sarajevo, Podružnica Travnik je dostavio odgovor na zahtjev u kojem je naveo da je ponudio cijene za sva vozila u skladu sa Odlukom o načinu utvrđivanja tarifa premije i cjenovnika za osiguranje vlasnika vozila od odgovornosti za štetu prouzrokovanu trećim licima, cjenikom za kasko osiguranje motornih vozila, **kao i cjenikom za osiguranje vozača i putnika za vrijeme upravljanja i vožnje motornim vozilima** koje je odobrila Uprava Društva. U prilogu odgovora ponuđač je dostavio sljedeću dokumentaciju:

1. Rješenje o saglasnosti na prijedloge uslova osiguranja vlasnika vozila od odgovornosti za štetu prouzrokovanu trećim licima, broj 233031358, Tarife premije i Cjenovnika za osiguranje vlasnika vozila od odgovornosti za štetu prouzrokovanu trećim licima, broj 233031551, izdato dana 02.10.2023. godine od Agencija za nadzor osiguranja Federacije Bosne i Hercegovine;
2. Uslovi osiguranja vlasnika vozila od odgovornosti za štetu prouzrokovanu trećim licima doneseni od Uprave Društva „Euroherc osiguranje” d.d. Sarajevo dana 05.10.2023. godine;
3. Tarife premije i Cjenovnik osiguranja vlasnika vozila od odgovornosti za štetu prouzrokovanu trećim licima doneseni od Uprave Društva „Euroherc osiguranje” d.d. Sarajevo dana 05.10.2023. godine.
4. Rješenje o saglasnosti na prijedloge izmjene i dopune uslova osiguranja vlasnika vozila od odgovornosti za štetu prouzrokovanu trećim licima, broj 243039981 i izmjene i dopune Tarife premije i Cjenovnika za osiguranje vlasnika vozila od odgovornosti za štetu prouzrokovanu trećim licima, broj 24303982, izdato dana 05.06.2024. godine od Agencija za nadzor osiguranja Federacije Bosne i Hercegovine;
5. Izmjene i dopune uslova za osiguranje vlasnika vozila za štetu prouzrokovanu trećim licima donesenu od Uprave Društva „Euroherc osiguranje” d.d. Sarajevo dana 10.06.2024. godine;
6. Izmjena i dopuna tarifa premija i cjenovnik za osiguranje vlasnika vozila za štetu prouzrokovanu trećim licima donesen od Uprave Društva „Euroherc osiguranje” d.d. Sarajevo dana 10.06.2024. godine;

Na osnovu izvršenog uvida u dostavljenu dokumentaciju, izvršenog obračuna premije i uslova koji su zahtijevani tenderskom dokumentacijom ponuđača „Euroherc osiguranje” d.d. Sarajevo, Podružnica Travnik, komisija je konstatovala da su tarife premija i cjenovnik za obavezno osiguranje vlasnika, odnosno korisnika motornog vozila od odgovornosti za štete pričinjene trećim licima donesenim od Uprave Društva „Euroherc osiguranje” d.d. Sarajevo u potpunosti usklađene sa Odlukom o načinu utvrđivanja tarifa premije i cjenovnika za osiguranje vlasnika vozila od odgovornosti za štetu prouzrokovanu trećim licima, koju je donijela Agencija za nadzor osiguranja Federacije Bosne i Hercegovine, te da je za sve stavke specifikacije osim stavke 3 (tri) ponuđena cijena za svaku stavku 0,02 KM veća od cijene utvrđene Cjenovnikom.

Odbijaju se ponude ponuđača „Triglav osiguranje” d.d. Podružnica Zenica, i „Euroherc osiguranje” d.d. Sarajevo, Podružnica Travnik kao nepravilne iz razloga jer nisu usklađene sa tenderskom dokumentacijom i Odlukom o načinu utvrđivanja tarifa premije i cjenovnika za osiguranje vlasnika vozila od odgovornosti za štetu prouzrokovanu trećim licima, koju je donijela Agencija za nadzor osiguranja Federacije Bosne i Hercegovine.

Ponuda ponuđača „Sarajevo osiguranje” d.d. Sarajevo je prihvatljiva iz razloga jer sadržava zahtjevanu dokumentaciju i ispunjava uslove konkurentskog zahtjeva.

U postupku javne nabavke nije bila predviđena E-aukcija.

#### IV

Osnovni razlog za donošenje ovakve Odluke je konstatacija da je ponuđač: „Sarajevo osiguranje” d.d. Sarajevo, dostavio prihvatljivu ponudu koja je u skladu sa procijenjenom vrijednošću nabavke.

Ponuđač „Sarajevo osiguranje” d.d. Sarajevo je obavezan ugovornom organu dostaviti:

1. ovjerenu i potpisanu bjanko mjenicu i mjeničnu izjavu kao garanciju za uredno izvršenje ugovora, odmah nakon isteka roka za žalbu u ovom predmetu nabavke.

Pouka o pravnom lijeku:

Protiv ove Odluke može se izjaviti žalba u roku od 5 (pet) dana od dana prijema.

Žalba se izjavljuje Javnom preduzeću "RAD" d.d. Tešanj u pisanoj formi direktno, elektronskim putem ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- Svim ponuđačima
- Komisija za javne nabavke
- a/a

DIREKTOR:

MA Hasan Handžić, dipl. ing.

